



ACTA DERA SESSION DETH PLEN

Identificacion dera session

Numerò: 02/2015

Caractèr: Ordinària

Data: 23 de març de 2015

Orari: 10:30 a 11:35 ores

Lòc: Sala d'actes der Ajuntament de Vielha e Mijaran

Assistenti

President: Alejandro Moga Vidal

Còssos:

Grop Municipau de Convergència Democràtica Aranesa Partit Nacionaliste Aranés (CDA-PNA): Joan Pau Perdices Pla, Luisa Estévez Sans, Agustín Calbetó Escrig e Carlos Nart Bardají.

Grop Municipau deth Partit Popular (PP), Joaquin Puente Feixa.

Grop Municipau d'Unitat d'Aran-Progres Municipal-Partit dels Socialistes de Catalunya (UA-PM-PSC): María Vergés Pérez, Rufino Martínez Cau, Susana Linde Tello, Alex Sirat Tarrau e Cristina Enseñat Beso.

Desencusen era sua assisténcia eth Còsso deth Grop Municipau de CDA-PNA Francisco Faure Martín e eth Còsso deth Grop Municipau d'UA-PM-PSC, Marc Cuny Morón.

Assistidi pera Secretària dera Corporacion Municipau Pilar Hervada Vidal, damb er objectiu de celebrar era session ordinària en primèra convocatòria.

Orde deth dia:

- 1. Aprobacion acta anterior.**
- 2. Balhar compde des Decrèts der Alcalde.**
- 3. Declaracion de lòcs de trabalh coma prioritari afectata a uns servicis publics essenciaus.**
- 4. Aprobacion de Mocion sus er acondicionament dera Carretera N-230.**
- 5. Aprobacion de Manifest a favor dera execucion dera Autovia A-14.**
- 6. Verificacion deth texte rehonot dera Modificacion des NSCP num. 1/2014, entar ajustament de limitacions deth sistèma viari.**
- 7. Aprobacion iniciu deth texte des "Normes reguladores deth foncionament deth Registre Municipau d'Unions estables en Parelha deth Municipi de Vielha e Mijaran" e era "Normatiua interna de foncionament".**
- 8. Ahèrs d'urgéncia se n'i a.**
- 9. Prècs e demanes.**

1.- APROBACION ACTA ANTERIOR.-

Se da per liejuda er Acta dera session ordinària deth dia 26 de gèr de 2015 eth brolhon dera quau siguec liurat a toti es membres deth Consistòri e trapant-la conforme s'apròve per unanimitat des presenti.

2.- BALHAR COMPDE DES DECRÈTS DER ALCALDE.-



Ajuntament de Vielha e Mijaran

Per part der Alcalde se da compte as Còssos, que se dan per assabentadi, des resolucions que seguissen, er Alcalde destaque especiaument era aprobacion dera liquidacion der exercici 2014, Decrèt num. 9/2015; eth remanent de tresoraria a estat de 1.057.344,69€ S'a complit er objectiu d'estabilitat pressupostària; eth superàvit ei de 678.083,64€ s'a complit era regla de despena, e se complissen toti e cada un des indicadors qu'exigís era Lei Organica d'Estabilitat Pressupostària e Sostenibilitat Financèra.

- Decrèt 11/2015 – Rectificacion compausacion deth tribunau de seleccion de tecnic/a en Educacion Infantil.
- Decrèt 12/2015 – Inici expedient de proteccion dera legalitat urbanistica.
- Decrèt 13/2015 – Aprovar era devolucion d'ua fiança.
- Decrèt 14/2015 – Autorizacion entà aucupar eth viadèr public.
- Decrèt 15/2015 – Autorizacion entà aucupar eth viadèr public.
- Decrèt 16/2015 – Aprovar era devolucion d'ua fiança.
- Decrèt 17/2015 – Nomenament de còssos per orden de substitucion per absència der Alcalde.
- Decrèt 18/2015 – Incoacion d'expedient d'orden d'execucion d'òbres de conservacion d'un edifici en Vielha.
- Decrèt 19/2015 – Incoacion d'expedient d'orden d'execucion d'òbres de conservacion d'un edifici en Vielha.
- Decrèt 20/2015 – Autorizacion de cambi de veïcul de servici de taxi.
- Decrèt 21/2015 – Convocatòria de session de Conselh d'Alcaldes.
- Decrèt 22/2015 – Admete a tramit reclamacion per danhs.
- Decrèt 23/2015 – Nomenament de personau laborau interin, places tècnics en Educacion Infantiu.
- Decrèt 24/2015 – Aprovar era devolucion d'ua fiança.
- Decrèt 25/2015 – Aprovar era devolucion d'ua fiança.
- Decrèt 26/2015 – Convocatòria de session de Junta de Govèrn Locau.
- Decrèt 27/2015 – Convocatòria de session de Comissions Informatiues.
- Decrèt 28/2015 – Convocatòria de session extraordinària dera Junta de Govèrn Locau.
- Decrèt 29/2015 – Concession de tarjeta de parcatge.
- Decrèt 30/2015 – Requeriment entà restablir era realitat urbanistica.
- Decrèt 31/2015 – Convocatòria de session dera Junta de Govèrn Locau.
- Decrèt 32/2015 – Declarar era caducitat d'inscripcions padronaus.
- Decrèt 33/2015 – Non autorizar era installacion d'ua atraccion.
- Decrèt 34/2015 – Non autorizar era installacion d'ua atraccion.
- Decrèt 35/2015 – Non autorizar era installacion d'ua atraccion.
- Decrèt 36/2015 – Ratificar eth barrament d'ua activitat en Casarilh per considerar er usatge non legalitzable.
- Decrèt 37/2015 – Inici expedient de proteccion dera legalitat urbanistica.
- Decrèt 38/2015 – Autorizacion entà aucupar eth viadèr public.
- Decrèt 39/2015 – Iniciar expedient de baisha d'ofici en Padron d'Abitants.
- Decrèt 40/2015 – Iniciar expedient de baisha d'ofici en Padron d'Abitants.
- Decrèt 41/2015 – Autorizacion entà aucupar eth viadèr public.
- Decrèt 42/2015 – Baishes d'ofici en Padron d'Abitants.
- Decrèt 43/2015 – Baishes d'ofici en Padron d'Abitants.
- Decrèt 44/2015 – Autorizacion entà aucupar eth viadèr public.



Ajuntament de Vielha e Mijaran

- Decrèt 45/2015 – Convocatòria de session dera Junta de Govèrn Locau.
- Decrèt 46/2015 – Autorizacion entà aucupar eth viadèr public.
- Decrèt 47/2015 – Autorizacion entà aucupar eth viadèr public.
- Decrèt 48/2015 – Autorizacion entà aucupar eth viadèr public.
- Decrèt 49/2015 – Convocatòria de Comissions Informatiues deth Plen.
- Decrèt 50/2015 – Autorizacion entà aucupar eth viadèr public.
- Decrèt 51/2015 – Non autorizar era installacion d'ua atraccion.
- Decrèt 52/2015 – Non autorizar era installacion d'ua atraccion.
- Decrèt 53/2015 – Non autorizar era installacion d'ua atraccion.
- Decrèt 54/2015 – Autorizacion entà aucupar eth viadèr public.
- Decrèt 55/2015 – Devolucion d'ua fiança.
- Decrèt 56/2015 – Convocatòria de session deth Plen.

Decrèts intervencion

- Decrèt 04/2015- Ordenar era aprobacion e eth pagament dera nòmina e Seguretat Sociau mes de gèr.
- Decrèt 05/2015- Aprovar era relacion de compromisi e despenes n° 00002/2015 e 00003/2015.
- Decrèt 06/2015- Ordenar eth pagament des relacions 00002/2015 e 00003/2015.
- Decrèt 07/2015- Iniciar expedient de liquidacion deth pressupòst exercici 2014.
- Decrèt 08/2015- Aprovar era relacion de compromisi de despenes n° 00004/2015.
- Decrèt 09/2015- Aprovar era liquidacion deth pressupòst der exercici 2014.
- Decrèt 10/2015- Inici expedient de modificacion de crèdit n° 1/2015.
- Decrèt 11/2015- Aprobacione expedient de modificacion de crèdit n° 1/2015.
- Decrèt 12/2015- Ordenar eth pagament dera nòmina e Seguretat Sociau mes de hereuèr.
- Decrèt 13/2015- Aprovar era relacion de documents de despenes n° 00005/2015 e 00006/2015.
- Decrèt 14/2015- Ordenar eth pagament des relacions n° 00004/2015 e 00001M-2015.
- Decrèt 15/2015- Aprovar era relacion de documents de despenes n° 00007/2015.
- Decrèt 16/2015- Ordenar eth pagament dera relacion n° 00005/2015.
- Decrèt 17/2015- Sollicitar informe sus era devolucion des 44 dies de paga extraordinària de deseme de 2012.
- Decrèt 18/2015- Aprovar eth pagament dera part proporcionau dera paga extraordinària de deseme de 2012.
- Decrèt 19/2015- Iniciar era tramitacion administrativa deth compde generau der exercici 2014.
- Decrèt 20/2015- Convocatòria de Comission Especiau de Compdes.
- Decrèt 21/2015- Aprobacion deth Plan Pressupostari a mie tèrme peth periòde de 2015 a 2018.
- Decrèt 22/2015- Aprovar era relacion de documents de despensa n° 00008/2015.

3.-DECLARACION DE LÒCS DE TRABALH COMA PRIORITARIS AFECTATS A UNS SERVICIS PUBLICS ESSENCIAUS.-

Er Alcalde explique era prepausa d'acòrd e passe era paraula as pòrtavotzi des auti Grops Municipaus.



Ajuntament de Vielha e Mijaran

Joan Pau Perdices Pla, Pòrtavotz deth Grop Municipau de CDA-PNA, votaram a favor; pensi que per fin s'a ampliat era provision des lòcs de treball deth 10 ath 50%; qu'ei necessària era renovacion des plantilhes municipaus e qu'ei de besonh aucupar es places coma ei eth cas que mos a passat a a nosati.

Rufino Martínez Cau, Pòrtavotz deth Grop Municipau d'UA-PN-PSC, ditz que cau mantier eth procés per hèt de manteniment des lòcs de treball, encara que sigue damb caràcter interin, des places d'interès public entà arténher objectius municipaus; era supression se siguesse necessària tostemp serie a temps de complir-se pr'amor que non se corbissen de forma definitiva. Des deth punt de vista pressupostari er Ajuntament pòt mantier-lo i èm d'acòrd ena sua provision enes formes correponent ara forma d'interinitat coma era unica qu'en aquest moment se pòt hèn.

Joaquin Puente Feixa, Pòrtavotz deth Partit Popular non a arren a díder.

Er Alcalde lieg era prepausa:

Coma toti coneishen eth passat mes de deseme a quedat vacant era plaça d'Encarregat dera Brigada d'Òbres Municipau pera defuncion deth sòn titular e que cònste coma vacant ena plantilha der exercici de 2015.

Atau madeish se destaque eth besonh de corbir era plaça de Tècnic de Gestion A2 prevista e vacant ena plantilha deth pressupòst aprovat entar exercici 2015 per'mor d'assegurar eth correcte foncionament deth departament de Secretaria-Intervencion.

Per providéncia d'Alcaldia de data 2 de març de 2015, se dispausèc que s'emetesse informe juridic en relacion damb eth procediment a seguir. E en data 9 de març de 2015 era Secretària-Interventora a emetut informe jurídic, damb prepausa d'acòrd, entà poder portar a tèrme era declaracion des places d'Encarregat dera Brigada d'Òbres Municipau e de Tècnic de Gestion A", coma priorotàries o qu'afecten ath foncionament d'un servici públic essenciau.

Eth 1 de gèr de 2015 entrèc en vigor era Lei 36/ 2014, de 26 de deseme, de Pressupòsti Generaus der Estat entar an 2015, era quau establis ua serie de mesures qu'afecten directament ara contractacion de personau e ath nomenament de foncionaris en àmbit de totes es administracions, inclodida era administracion locau.

Er article 21.2 dera Lei abantes esmentada, qu'a caràcter bàsic, determine que pendent er an 2015 non se procedirà ara contractacion de personau temporau, ne ath nomenament de personau estatuari temporau o de foncionaris interins, tret enes casi excepcionaus e entà corbir necessitats urgents e inajornables que se restringiran as sectors, foncions e categories professionaus que se consideren prioritariis o afecten ath foncionament des servicis publics essenciaus.

Vist er informe favorable dera Comission Informatiua de Finances, personau, pressupòsti, patrimòni e contractacions, de data 16 de març de 2015,

Se prepausa era sua aprobacion e per unanimitat, damb eth vòt a favor des onze (11) Còssos presentis des tretze (13) que de dret formen era Corporacion, s'acòrde:



PRUMÈR.- Declarar qu'existísse besonhs urgents e inajornables entà corbir es places d'Encarregat dera Brigada d'Òbres Municipau e Tècnic de Gestion A2 per miu deth nomenament de funcionari interin, ja qu'aguestes places se consideren prioritàries e u'afecten ath funcionament d'un servici públic essenciau, d'acòrd damb era següent justificacion:

- Eth servici dera Brigada d'Òbres municipau ei un trabalh jornalier e que s'a de portar damb fôrça suenh entà coordinar toti es oficis que desenvolupen es empleadi en relacion as servicis de subministrament d'aigua, hilat d'aigües, enlumenat public, neteja des carrèrs, de prestacion mínima obligatòria entà toti es municipis.
- Er increment des tramitacions administratives, de rendiments de compdes e de contròtles que s'an pòrtat a tèrme enes tres darreris ans, hènt impossible eth sòn compliment damb eth personau actuaument existent ena plantilha municipau.

DUSAU.- Autorizar e procedir ar inici deth procés de seleccion des citats funcionaris de programa entà corbir es places d'Encarregat dera Brigada d'Òbres Municipau e Tècnic de Gestion A2.

4.-APROBACION DE MOCION SUS ER ACONDICIONAMENT DERA CARRETERA N-230.-

Er Alcalde explique que coma s'expliquèc ena Comission Informatiua, eth passat 26 de gèr mos arribe per part d'ua empresa que mos prononciem sus er Estudi d'acondicionament dera CN 230 des de Sopeira ara frontièra damb França, tram Bòca Nord-Fronterièra damb França. E en data 3 de hereuèr mos arribe d'ua auta empresa er estudi d'Impacte Ambientau der acondicionament dera CN 230 tram Sopeira-Bòca Sud.

Era prepausa ei qu'en compdes de posicionar-mos coma equipa de govèrn prepausam ath Plen de posicionar-se entà ratificar es sucesius acòrds que s'an vengut adoptant des de hè ans peth Plen Municipau; acòrds de 26.02.1998, 09.04.1998, 16.06.2000 e 28.01.2009, entre d'auti.

Er Alcalde lieg era prepausa d'acòrd e destaque qu'es punts que se demanen constituïssen un tèma fonamentau entath nòste futur; a continuacion passe era paraula as pòrtavotzi des auti Grops Municipaus:

Joan Pau Perdices Pla, Pòrtavotz deth Grop Municipau de CDA-PNA, constatar pera relacion des hèts que des der an 1997 èm damb aguest ahèr que ligue damb eth punt següent der order deth dia. Pensi que mos auem de mantier en aguesta posicion. Estudis d'impacte ambientau s'an hèt de dus a tres des der an 1997 e ei ua pena que non s'agen pogut concretar melhores substanciaus en d'auti punts dera CN 230.

Rufino Martínez Cau, Pòrtavotz deth Grop Municipau d'UA-PN-PSC, pòt èster que sigam reiteratiu mès evidentament non pòt èster d'auta manèra. Ja non ei un problèma de definir alternatiues ara CN, se non que finaument çò que volem ei que mos meten sus era taula prepauses concrètes, encara non auem arren que sigue factible entà ua discussion logica entàs besonhs deth país. Eth Ministerio de Fomento que s'esclarisque hent un procés d'estudi e redaccion deth projècte. Auti Ajuntament dera Val d'Aran non an rebut aguestes sollicituds de cap empresa. Per tant eth nòste desir ei que se dongue traslat ath Ministerio de Fomento e ara empresa sollicitant dera Mocion deth Plen.

Joaquin Puente Feixa, Pòrtavotz deth Partit Popular non a arren a díder.



Er Alcalde lieg es escrit des empreses enes quaus se solliciten consideracions de caractèr economic, de planejament urbanistic, entre d'alti.

Rufino Martínez suslinhe qu'està aprovat eth Plan Director Urbanistic dera Val d'Aran, qu'en sòn dia siguec informat peth Ministerio de Fomento, segurament languens deth madeish ministèri non s'an coordinat entà informar-se entre eri d'aguest planejament urbanistic (PDU). Sollicite qu'er Ajuntament l'ac facilite ath Ministerio de Fomento.

Er Alcalde lieg era Mocion:

APROBACION DE MOCION SUS ER ACONDICIONAMENT DERA CARRETERA N-230.-

Per part der Alcalde s'expòse qu'era Dirección General de Carreteras del Ministerio de Fomento, promotora deth projècte titolat "*Acondicionamiento de Carretera N-230 de Sopeira a la Frontera con Francia. Tramo: Boca Norte del Túnel de Vielha-Frontera con Francia*", a sollicitat ara empresa **Gessing-ATJ Consultores** era redaccion der Estudi Informatiu deth projècte, e ara empresa **Audingintraesa,S.A.** era redaccion der Estudi Informatiu e Estudi d'Impacte Ambientau, es quaus s'an metut en contacte damb aguest Ajuntament entà sollicitar informacion sus es afectacions en nòste territòri.

En tot tier en compde es acòrds adoptadi peth Plen der Ajuntament de Vielha e Mijaran en data 26.01.1998, 09.04.1998, 16.06.2000 e 28.01.2009, enes quaus ja se debateren diferents prepauses de varianta entara CN-230 e se presenteren es corresponents alegacions.

El Grop Municipau de CDA-PNA en Ajuntament de Vielha e Mijaran, prepausa ath Plen de presentar ua Mocion sus eth projècte "*Acondicionamiento de Carretera N-230 de Sopeira a la Frontera con Francia. Tramo: Boca Norte del Túnel de Vielha-Frontera con Francia*" en tot persutar enes Acòrds abantes nomentadi e tornar a comunicar ath Ministerio de Fomento:

- Qu'era unica alternatiua valida entad aguesta institucion ei eth corredor qu'a de transcórrer des deth corredor d'origen, ara nautada dera zòna nomentada "Orno", per un tunèl enquia gèsser abantess der arriu Joeu, en tot fundamentar aguesta solucion enes consideracions que s'arremassen en Acòrd deth Plen dera Corporacion Municipau de data 28 de gèr de 2009.
- Qu'eth projècte a d'esvitar en çò de possible eth transport de mercaderies perilhoses per'mor qu'ei ua carretèra de montanha damb nombrosi tunèls.
- Qu'eth projècte a de garantir ua perfectèra connexion dera CN-230 damb eth nuclèu de Vielha atau coma damb era carretèra C-28.

Vist er informe favorable dera Comission Informatiua d'Urbanisme, Governacion, Òbres e Servicis e Entitats Municipaus Descentralizadas, de data 16 de març de 2015,

Se prepausa era sua aprobacion e per unanimitat, damb eth vòt a favor des onze (11) Còssos presentis des tretze (13) que de dret formen era Corporacion, s'acòrde:

Pumèr.- Aprobacion dera Mocion sus eth projècte "*Acondicionamiento de Carretera N-230 de Sopeira a la Frontera con Francia. Tramo: Boca Norte del Túnel de Vielha-Frontera con Francia*" abantes nomentada.



Dusau.- Notificar aquest acord a Ministerio de Fomento, Ministerio de Medio Ambiente, Medio Rural y Marino, ath Conselh Generu d'Aran, ara Diputació de Lleida, ath Departament de Territori i Sostenibilitat de la Generalitat de Catalunya.

5.- APROBACION DE MANIFEST A FAVOR DERA EXECUCION DERA AUTOVIA

A-14.-

Er Alcalde sollicite ath Còsso, Deputat Provincial, Joan Pau Perdices Pla, qu'assistic ara signatura deth Manifest qu'explique eth madeish.

Joan Pau Perdices Pla, explique que basicament er Ajuntament demanam au mens ua concrecion practica des actuacions mès evidents qu'a ua carència aguesta carretèra e que fin finala era autovia aurà era sua concrecion mès qu'i a d'autes causes ena carretèra que requerissen ua accion contendent coma eth tram d'Escales o coma eth tram deth tunel a Vielha; trams qu'estan molt penjadi e que non ei previst que s'executen. Aquesta declaracion sollicite que se hesquem aquesti trams absolutament necessàris entà ua carretèra qu'està soportant un trafic de mecaderies que non arribe a auer es prestacions entà ua carretèra d'aquest tipe.

Alcalde ditz qu'en tot cas vo explicar que se demane e lieg es sollicituds dera mocion.

Rufino Martínez Cau, Pòrtavotz deth Grop Municipal d'UA-PN-PSC, ditz que relacionat damb eth punt anterior pr'amor qu'ara fin e ath cap non dèishe d'èster era solucion ara CN 230 encara que eth projècte se digue a futur A-14 ei evident çò qu'estam parlant ei dera Carretèra N-230; tram des de Lleida enquiara frontièra francesa; accesi ara Val d'Aran des de Lleida.

En prumèr lòc ei cert que per prioritat, entà sajar de profitar aquerò que dejà s'a gastat, e profitar eth tram qu'ei executat, era finalizacion d'aquest tram enquia Alfarràs, entà estauviar-se es rotondes des de Lleida enquia Alfarràs, e non sonque pes aranesi, senon que per toti es usatgers dera Alta Ribagorça, e eth Pirineo d'Osca e visitants de Barcelona.

Com dusau part eth tram d'Alfarràs enquia Sopeira, pensam que serà dificil arténher inversions d'aquesta envergadura, encara qu'es expropiacions serien molt mès barates peth tipe de profitaments des terrenes agricòles que non es que s'an agut de hèr ena òrta de Lleida. Demane accelerar es estudis informatius coma prioritaris en relacion damb eth punt anterior. Cau persutar que estant possibilistes auem de hèr fòrça entà qu'eth tram que va des deth Rosellò enquia Alfarràs s'acabe e se mete en foncionament.

Joaquin Puente Feixa, Pòrtavotz deth Partit Popular non a arren a dèder.

Er Alcalde entà ampliar era informacion lieg era mocion qu'ei ua radiografia de coma està eth tram des de Lleida enquià Alfarràs.

Aprobacion, se procedís, deth següent Manifest:

“MANIFEST A FAVOR D'EXECUTAR L'A-14

L'actual carretera N-230 és la via de comunicació més directa entre la conca de l'Ebre i el centre de França fins a París i la resta d'Europa del nord. A poc menys de 40 Km de la frontera es troba l'A-64 (autopista transpirenca francesa), que ens enllaçaria fàcil i còmodament amb l'A-62 (autopista cap a Bordeus) i amb l'A-20 (cap a París). Aquest fet faria d'aquest eix un gran corredor de trànsit de mercaderies i un pol d'especial atracció per



Ajuntament de Vielha e Mijaran

la seva disposició logística de primer ordre a tota la plana de Lleida. Cal esmentar que segons l'estudi que va fer el Ministeri de Foment, conjuntament amb el Ministeri de Transports del govern francès el 2004, el trànsit de vehicles pesants que passaven diàriament la frontera francesa en ambdues direccions era de prop de 18.000 camions, dels quals prop de mig miler ho feien per la Val d'Aran.

L'any 2012 va entrar en servei el primer tram de l'A-14 entre Rosselló i Almenar (10,3 Km). En l'actualitat s'està executant el tram de Lleida (variant de l'A-2) fins a connectar amb el tram existent, dins del terme de Rosselló (6 Km). Està previst que entri en funcionament el 2016.

Queda pendent la licitació de les obres del tram Almenar-Alfarràs fins a límit de província (7,3 Km) i que s'executin els projectes ja en fase de redacció des del límit de província fins a Sopeira. Pel que fa als trams entre Sopeira i la boca sud del túnel de Vielha i el de la boca nord fins a Canejan encara estan pendents d'estudis informatius i de la posterior redacció de projecte i licitació d'obres.

Així doncs, amb aquest antecedents exposats, demanem:

1r. Que es licitin el més aviat possible les obres corresponents al tram de l'A-14 que va des d'Almenar fins a Alfarràs (límit de província), el projecte del qual ja es troba enllestit.

2n. Que s'agilitzin al màxim la redacció dels projectes ja adjudicats (alguns des del 2008) en els trams de l'A-14 que anirien des del límit de província fins a Sopeira i que es puguin licitar les obres durant l'any 2016.

3r. Que s'agilitzin els estudis informatius dels trams pendents (de Sopeira a la boca sud del túnel de Vielha i de la boca nord del túnel de Vielha fins a Canejan i frontera francesa), a fi que es puguin iniciar la redacció dels projectes acte seguit de la licitació de les obres dels trams precedents.

4t. Donar trasllat d'aquest manifest a tots els pobles afectats pel recorregut de l'A-14, al Consell Comarcal del Segrià, a la Diputació de Lleida, al Departament de Territori i Sostenibilitat de la Generalitat de Catalunya i al Ministeri de Foment.”

Vist er informe favorable dera Comission Informatiua d'Urbanisme, Governacion, Òbres e Servicis e Entitats Municipaus Descentralizades, de data 16 de març de 2015,

Se prepausa as presenti era aprobacion d'aguesta mocion e per unanimitat, damb eth vòt a favor des onze (11) Còssos presenti des tretze (13) que de dret formen era Corporacion, s'acòrde:

Pumèr.- Aprobacion deth Manifest a favor dera execucion dera Autovia A-14 (Lleida-Val d'Aran).

Dusau.- Notificar aquest acòrd a toti es pòbles afectadi peth recorregut dera A-14, ath Conselh Generu d'Aran, ath Consell Comarcal del Segria, ara Diputació de Lleida, ath Departament de Territori i Sostenibilitat de la Generalitat de Catalunya e ath Ministerio de Fomento.



**6.- VERIFICACION DETH TEXTE REHONOT DERA MODIFICACION DES NSCP
NUM. 1/2014, ENTAR AJUSTAMENT DE LIMITACIONS DETH SISTÈMA VIARI.-**

Er Alcalde explique es antecedents der expedient d'aguesta Modificacion des Normes Subsidiàries e Complementàries de Planejament dera Val d'Aran. Explique qu'eth Plen der Ajuntament en session de 28 de junhsèga de 2014 aprovèc provisionaument era modificacion entar ajustament de limitacions deth sistèma viari d'Aubèrt, Casau, Vielha e Betren e era prescripcion qu'establís era Comission Territorial d'Urbanisme dera Val d'Aran en session de 21 de noveme de 2014 per çò que tanh ar àmbit 4 dera zòna verda deth PP2 de Betren, e que suspenec era aprobacion definitiva enquia era presentacion d'un texte rehonot degudament verificat peth Plen que recuelh era prescripcion establerta. Explique eth problèma que mos trobam damb era desaparicion dera zòna verda qu'eth Departament de Carreteres dera Generalitat de Catalunya suprimic quan s'executèc era melhora dera C-28 e que s'a de plaçar en un aute lòc en compensacion damb çò suprimic e explique era prepausa que se hè damb era voluntat de resòlver eth problèma entà desblocar es auti reajustaments.

Passe era paraula as pòrtavotzi des auti Grops Municipaus.

Eth Pòrtavotz deth Grop Municipau de CDA-PNA, Joan Pau Perdices Pla, ditz que solucionar ua qüestion a posteriòri ei reament dificil. Se considère eth critèri qu'ua zòna verda tanben pòt èster zòna de parcatges. S'era solucion possibilite que s'accepte per Urbanisme ja me semble ben.

Pren era paraula eth Pòrtavotz deth Grop Municipau d'UA-PN-PSC, Rufino Martínez Cau, que manifèste qu'en aquest cas era Comission d'Urbanisme deishèc molt clar que non ère possible era reduccion de zòna verda en sector; mos trobam qu'era zòna verda quede redusida unilateralment pera pròpia Generalitat de Catalunya sense passar per acòrd deth Conselh Executiu dera Generalitat de Catalunya. Era solucion que s'aplique ei merament de plano. Eth papèr tot ac supòrte; sense que veigam jamès coma zòna verda aquesta zòna engondronada e qu'actuaument ei parcatge. Non ei molt d'acòrd en qu'açò qu'ei zòna verda pugue èster parcatge. Aquesta teoria qu'es tecnicos utilizen hè ans. Calerie dar-li ues vòltes mès entà tractar d'ubicar-les en ues autes zònes dera poblacion. Se treiguem aquesta modificacion era resta serie aprovada e era modificacion dera que parlam la calerie madurar un shinhau mès.

Joaquin Puente Feixa, Pòrtavotz deth Partit Popular, çò totaument d'acòrd damb Rufino, se pòt trasladar entara part de darrèr.

Joan Pau Perdices vò híger que s'er Alcalde i e d'acòrd se pòt retirar aquesta modificacion deth tèxte. Era qüestion de hòns ei reconéisher que Vielha e Betren dejà son amassa. Non servís entà arrèn ne era zòna verda d'abantes ne era d'ara pr'amor que çò unic que pretenen ei simular era separacion des dus nuclèus qu'ei inutil e patetica pr'amor que hè temps que son amassa.

Alcalde ditz que en benefici deth consens se retire aquesta modifiacion concreta e se contunhe damb es autes modificacions e prepausa que se verifique eth tèxte rehonot deth rèste.

Antecedents:

Per acòrd deth Plen deth dia 28 de junhsèga de 2014 s'aprovèc provisionaument era Modificacion des Normes Subsidiàries e Complementàries de Planejament dera Val d'Aran,



núm. 1/2014, “Entà ajustar delimitacions deth sistèma viadèr des nuclèus de Vielha, Betren, Casau e Aubèrt”.

S’envièc er expedient ara Comission Territorial d’Urbanisme dera Val d’Aran entara sua aprobacion definitiva, era quau en session deth dia 21 de noveme de 2014 prenec er acòrd de suspener era aprobacion definitiva enquia qu’aguest Ajuntament non redactèsse un Tèxte Rehonot, degudament verificat peth Plen d’aguesta Corporacion, e damb era incorporacion dera prescripcion següent:

“En relació amb l’àmbit 4, cal compensar el sistema d’espais lliures, zona verda, en un àmbit adient i amb la superfície equivalent a la que es redueix”.

Vist eth tèxte redactat per arquitecte **municipau Jordi Fargas Soler**.

Vist er informe favorable dera Comission Informativa d’Urbanisme, Governacion, Òbres e Servicis e Entitats Municipaus Descentralizadas, de data 16 de març de 2015,

Se prepausa as presenti era aprobacion d’aguesta mocion e per unanimitat, damb eth vòt a favor des onze (11) Còssos presenti des tretze (13) que de dret formen era Corporacion, s’acòrde:

Prumèr.- Verificar eth Tèxte Rehonot corresponet ara Modificacion des Normes Subsidiàries e Complementàries de Planejament dera Val d’Aran, núm. 1/2014, “Entà ajustar delimitacions deth sistèma viadèr des nuclèus de Vielha, Betren, Casau e Aubèrt”, redactat per arquitecte **Jordi Fargas Soler**, en quau s’elimine era modificacion relatiua a Betren.

Dusau.- Notificar aguest Acòrd ara Comission Territorial d’Urbanisme dera Val d’Aran entara sua aprobacion definitiva.

7.- APROBACION INICIAU DETH TÈXTE DES “NORMES REGULADORES DETH FONCIONAMENT DETH REGISTRE MUNICIPAL D’UNIONS ESTABLES EN PARELHA DETH MUNICIPI DE VIELHA E MIJARAN” E ERA “NORMATIUA INTERNA DE FONCIONAMENT”.-

Er Alcalde passe era paraula ara Secretària qu’explique es antecedents e eth contengut des normes que se prepausen a aprobacion que son es que regularan eth Registre administratiu dera inscripcion des unions estables en parelha que ath madeish temps an de complir çò establert en Còdi Civiú Catalan qu’ei eth que regule eth regim des parelhes de hèt. Er Alcalde amplie era informacion en relacion damb aguest tèma, destacant que non toti es Ajuntaments d’Aran an creat aguest registre, mès es qu’an agut era volentat de hèr-lo coma Vielha, Bossòst e Les èm d’acòrd ena redaccion d’ues normas uniformes ara hora d’establir es critèris e qu’es vesins sàpien que son es madeishes entad aguesti municipis. Ei mès lèu ua question tecnica, d’adaptar-se ath marc normatiu, un còp que políticament volem facilitar as nòsti vesins era possibilitat d’inscriuer-se en registre.

Eth Pòrtavotz deth Grop Municipau de CDA-PNA, Joan Pau Perdices Pla, autorizam damb era correccion de defèctes de foncionament e apliquem çò de miellhor possible era normatiua.

Eth Pòrtavotz deth Grop Municipau d’UA-PN-PSC, Rufino Martínez Cau, afirmam qu’enquia’ra damb eth Registre de Parelhes qu’auiem permetiem er registre des parelhes damb mès flexibilitat qu’eth pròpi Còdi Civiú Catalan establís en aguest moment. Ère mès ua



Ajuntament de Vielha e Mijaran

declaracion de volentats que a compdar d'aquera data ua parelha conviu en madeish domicili. En comparacion damb çò qu'establís en matrimòni civiu o religiós, ua parelha se pòt maridar entre un mes o un mes e miei mès peth Còdi Civiu Catalan cau que demostren dus ans de convivéncia. Mos auem d'adaptar ad aguesta normatiua vigent en Catalunya. Eth Registre non ei obligatòri e er Ajuntament lo establís coma un servici ath ciudatà que se pòt acuelher a ua des tres formes de reconéisher era constitucion d'ua parelha.

Era prumèra demostrar dus ans de convivéncia en quinsevolhe municipi der estat espanhòl. Eth tèma ei enes parelhes que vien de dehòra e que demostren damb certificats d'empadronament d'auti municipis e que non ere logic que se les exigísque un an mès de convivéncia.

Eth dusau serie ua parelha damb hilhs en comun han d'auer residéncia efectiva en madeish domicili der Ajuntament de Vielha e Mijaran; exigéncia efectiva de residéncia.

En tresau cas, hèr ua escriptura publica deuant de Notari. En aquest cas si que se les exigirà qu'un des dus age un an d'antiquitat d'empadronament en municipi de Vielha e Mijaran.

Joaquin Puente Feixa, Pòrtavotz deth Partit Popular, non a arrèn a díder.

Vist qu'aguest Ajuntament a de normalizar eth foncionament deth registre municipau d'unions estables en parelha e era normatiua interna entath sòn foncionament, a premanit eth tèxte que s'adjunte coma Annèxe 1:

Vist er informe favorable dera Comission Informatiua de Politiques actiues, socials e economicas, de data 16 de març de 2015,

Se prepausa as presenti era sua aprobacion e per unanimitat, damb eth vòt a favor des onze (11) Còssos presenti des tretze (13) que de dret formen era Corporacion, s'acòrde:

Prumèr.- Aprovar iniciaument eth tèxte des “Normes reguladores deth foncionament deth Registre municipau d'unions estables en parelha deth Municipi de Vielha e Mijaran” e era “Normatiua interna de foncionament deth Registre”, que reemplaçarà de forma integra eth Reglament vigent enquia'ra, publicat en BOP de Lleida deth dia 22 de noveme de 2001.

Dusau.- Exposar ath public eth present acòrd, per miei dera sua publicacion en taulèu d'anoncis municipau, en Butletín Oficiau dera Província de Lleida (BOP) e en Diari Oficiau dera Generalitat de Catalunya (DOGC), peth tèrme de 30 dies, as efectes de que es interessadi poguen presentar reclamacions, ellegacions o suggeriments ath madeish, cossent damb çò que preve er article 178.2.b deth Decrèt Legislatiu 2/2003, de 28 d'abriu, peth quau s'apròve eth Tèxte rehonot dera Lei municipau e de règim locau de Catalunya.

En cas de que non i age cap de reclamacion, allegacion o suggeriment, er acòrd iniciau debierà definitiu e se poderà procedir ara publicacion integra deth tèxte deth nau Reglament en BOP de Lleida.

Tresau.- Atengut qu'eth servici que se preste damb aguet Registre ei voluntari, sense qu'existísque cap obligacion legau de prestar-lo, e as efectes de garantir era correcta adaptacion legau pendent eth periòde de tramitacion deth madeish, se suspenen provisionaument es inscripcions en vigent “Registre municipau d'unions estables de parelha”. Aguesta suspension non afectarà as sollicituds presentades enquia'ra data d'aguest acòrd plenari o as que se presenten damb posterioritat, tostemp e quan reunisquen toti es requisits d'inscripcion dera norma vigent e tanben es dera reglamentacion aprovada iniciaument.



8.-AHÈRS D'URGÈNCIA SE N'IA.-

Non n'i a cap.

9.-PRÈCS E DEMANES.-

Non n'i a cap.

Er Alcalde lhèue era session, dera quau, coma secretària, esteni aguesta acta.

Era Secretària

Er Alcalde